

عركة

sensations

عركة أحاسيس

شعر

أماني يوسف

الطبعة الأولى .. ديسمبر ٢٠١٣

الغلاف : إيمان صلاح

إخراج داخلي : **الحلم** للدعاية والاعلان

فكرة اسم الديوان : محمد حمادة

رقم الإيداع : ٢٠١٣/٢٣٩٩١

الترقيم الدولي : 978-977-6412-49-1

إن دار الحلم للنشر والتوزيع، غير مسؤولة عن آراء المؤلف وأفكاره، وتعتبر الآراء الواردة في هذا الكتاب عن آراء المؤلف، ولا تعبر بالضرورة عن آراء الدار .



**الحلم** للنشر والتوزيع

٤ شارع الأشراف من شارع مؤسسة الزكاة - المرج

محمول : 01141824562

dar\_el7elm@hotmail.com

عركة

sensations

أمانى يوسف

obeikandi.com

# عركة أحاسيس

عركة ودوشة وزيطة كبيرة جوه قلوبنا  
مرة ميميل وبنعشق جدا وأدينا دوبنا  
ومرة بنكره مرة بنزعل مرة غضبنا  
مرة زهقنا وقولنا خلاص بقى إحنا تعبنا  
ومرة فرحنا ومرة ضحكنا ومرة عاتبنا  
هي مشاعر والإحساس هو اللي غالبنا  
فَأنا وقلمى قررنا نفضفض قولنا كتبنا  
عن موقف أو قصة وإحساس مرة عجبنا  
اسمعنا وكمّل ويانا وبلاش تبعد واللا تسيينا  
مممكن تلقى حكاية تمسك واللا بتشبه حد صاحبنا

obeikandi.com

# صغيرين

ممکن نڪون صغيرين  
مش معروفين  
لكن قلوبنا كبيرة جدا  
بالمشاعر مليانين  
بنقول كلام  
حب وملام  
ساعات فرح وساعات حزين  
ومش مهم حَ يقرأ مين  
لو كانوا واحد أو متين  
المهم نڪون سوا متجمعين  
ولو علينا يقولوا مجانيين  
لكن كده إحنا مبسوطين  
ياريت بقى الناس الكبيرة  
العالية جدا والعاقلين  
لكلامنا بس يكونوا فاهمين  
يحسوا بينا ويبقوا ليانا مقدرين  
ما إحنا مش مستعجلين  
أفكارنا تتحدى السنين

وكلامنا يقول للزمن  
راح نبقى بكره مشهورين  
ولو فضلنا مغمورين  
مش دي القضية  
عشان أساس الفكرة فينا  
مش إننا نكون فنانيين  
لكن في إننا بس نكتب  
وللقلوب نكون واصلين

# قصتي وياك

موت وأنا بين إيديك م الخوف ..  
ل تبعدني وأبات ملهوف ..  
لنبضات قلبك الدافي .  
وأشوف ف عينيك كلام بيقول ..  
ب إن البعد مش معقول ..  
وفي دموعك دليل كافي .  
وبتلومني بحضن حنون ..  
إزاي الشك بينا يكون ..  
ومعايا ولسه بتخافي؟! .  
أصدق وانسى أوهامي ..  
ويطمئن معاك قلبي ..  
ويرجع تاني جو هواه رقيق صافي .  
ونبدأ تاني م الأول ..  
تغيب والبعد بيطول ..  
ولا حسيت في يوم بينا ولا للوعد بتوافي .  
وتاني أخاف ل تنساني..  
وتفضل فاضية أحضاني ..  
ويبقى الحزن حمل يزيد على كتافي .

وتيجي تقولي سامحيني ..  
أنا ما اقدرش تنسيني ..  
ده قلبي بغير هواكي عليل وقلبك بلسمي الشافي .  
برغم ده كله أسمعلك ..  
واصدق تاني وارجعلك ..  
لأن حياتي انت وبس وعمري بين إيديك غافي .  
لإنك انت كل الناس ..  
وحبك هو ده الإحساس ..  
وإسمي حروفه من اسمك وف عينيك ملامحي وأوصافي .  
وهي دي قصتي وياك ..  
تروح وتغيب ولا انساك ..  
وقلبي يقولي يوم ما ألقاك حبيبي وغير هواه ما في .

# رحيل

سكت الكلام وبكت العيون فقد أتى وقت الرحيل  
الآن وحدي سوف أمضي في طريق مرهق طويل  
فما حياتي بلا وجودك إلا سراب وليل كحيل  
أنظر إليك أرى دموعك على هواك أكبر دليل  
لكن صمتك قاتلٌ وكان قلبي أنا القتييل  
لم بقيت ساكنا وتركت دمعاتك تسيل  
وهدمت كل ما بنيناه بوقوفك مهزوم ذليل  
إن أردت مني البقاء لم لم تقبل حتى القليل  
لوقلت لي ( إني أحبك ) لكنك فعلت المستحيل  
وما هو أمام حبي إلا ضعيف وهن هذيل  
لكن عجزت عن كل شيء فكيف قلبي تستميل  
وانت هش ضائع لا يملك غير العويل  
لا أدري كيف صدقت حبك واتخذته لي سبيل  
وقطعت عهدا للهوى لن أقبل عن قلبك بديل  
ظننت أنك واحدا ما بالوجود له مثيل  
وهبتك كل مشاعري وانت بإحساسك بخيل  
رسمتك نجما بالأفق وكنت عن قلبي تميل  
تمنيته يوما تتحرك ومن جمودك تستقيل

لكنك ابدأ لم تفعل وسكنت برغم كل ما قيل  
فاعذرنى لن اقبل عذرك يا عمري الماضي الجميل  
فلا الهوى كلمات ، ولن تشفى دموعك قلبي العليل  
وبعد أن تركتني للصمت ليس لك عندي إلا الرحيل

## إفتقدتك

يا حبيبي يناديك قلبي متى تعود أنعبتني؟!  
كم افتقدتك في الغياب فالبعد عنك يميّتي  
فأنا اتوق لدفع صدرك حين كنت تضمّني  
وملّسة يديك الحانية تملك كياني ، تهزني  
أهرب لبحر عينيك وأجدك بعمقهما أغرقتني  
وكيف الهروب منك وقلبك ملجأى وموطني  
وحنان الدنيا كلها وحدك انت منحنتني  
ما بالحياة مثل حبك والأمان الذى أشعرتني  
حميتنى من الأحزان وعن كل ألم بالوجود أخفيتني  
وملأت عمري بهجة وبإحساس السعادة غمرتني  
واليوم ألقاني حزينه بوحدتي بعد أن ودعتني  
وأخذت معك الروح حين رحلت عنّي تركنتني  
على أمل اللقاء غدا في نفس موعدنا كما وعدتني  
وكيف يكون الغد قريب وعلى البعد ما عودتني؟!  
أو يعيش قلبي منتظرا؟! وانت من أحبيّتي  
ساعاتي مرت أيام واسأل النوم لم جافيتني؟!  
وأصبح اليوم الجديد بلهفتى وحنينى إليك يشدني  
اركض على الطرقات أطويها إليك لأجدك سبقنتني

فعدت إلى الروح بلقائنا وبقلبك الملهوف احتضنتني  
ونسيت أحزاني وعدت سعيدة بحبك الغالي الذي أهديتني  
وبرغم أنك مازلت معي يناديك قلبي فهل سمعتني!؟

## الحلم القديم

حلمت يوماً بالسعادة والحبيب المنتظر  
وظننت أن القلب معه إلى الأبد سيستمر  
وأني سأملك بحبه كل النجوم والقمر  
فأقابلك وأراك حلمي وقد ظهر  
ليذوب قلبي بين كلماتك وبضلوعك يستقر  
وشعرت معك بأنني أهوى ملاكاً لا بشر  
أعطيتني حباً كبيراً طرح البلابل بالشجر  
جعل الزهور مغردة بليالي حب وسمر  
ومنحتني بالحب عمراً خالداً إن طال حتى أو قصر  
عمراً ليقضي في هواك العمر دوماً في سفر  
برحلة ضاعت بها كل المعالم والصور  
كل المشاعر ، أمنياتي ، حتى حلمي اندثر  
فبحر حبك صار من بعد الأمان هو الخطر  
وضلوعك الحانية قبراً ضم قلبي المحتضر  
من بعد ما كان الملاذ من الزمان ، من القدر  
فحبيب قلبي خانه وباع حبه وغدر  
ماذا فعل قلبي ليتركه وحيداً منكسر؟

لو أخطأ القلب البرئ لما عليه ما صبر  
فالذنب حتى إن كان ذنباً من الحبيب يغتفر  
لكنه ما كان بالحب يوماً قد شعر  
بل كان وهماً وسراباً أو خداعاً واستمر  
حتى أنهى بضياح قلب صار تائه منشطر  
ما بين حبه والحبيب ، وبين بحر من خيانة ينتشر  
بين الضلوع ، وفي حنايا القلب يجد المستقر  
فصحوت من حلمي القديم وبالحب قلبي قد كفر  
فما الزمان زمان حب واشتياق أو سهر  
فزماننا صارت به الدنيا بلا قلوب أو بشر  
بل ندعي أنا كذلك لعلنا على الزمان ننتصر  
وبرغم هذا ..

مازلت أحلم بالسعادة والحبيب المنتظر  
فلعلني أجده ويكون من هذا الزمان هو المفتر

## لعبت بيا

لعبت بيا وقلبي ضاع من بين إيديك  
قلبي اللي عاش طول عمرة بيحافظ عليك  
دايما معاك بيصدق الكذب فـ عينيك  
ومن غير حساب حب وحنان يديك  
اقتنعتة تاني يفتح لـ الهوى الشبابيك  
وبيبانه المقفولة فتحتها عشان يرضيك  
حياته انت ملكتها وبقى عمرة كله ليك  
ما اتمنى م الحياة غير انه يعيش حواليك  
يدأوي جرح قلبك ويمحي آلام ماضيك  
فجأه تغدر بـ حُبه من بعد ثقته فيك  
تبقى ألمه ودموعه وبروحه كان يفديك  
حُبك كداب وخاين وحياته خسرها بيك  
وده آخر اللي يحبك ويفكر يوم يناديك  
يضيع ويتوه هواه في غربته ولياليك  
وزي ما عاش بـ حُبك لازم يموت بعديك

obeikandi.com

## مغنواتي

احكي يا مغنواقي موال حياقي الحزين  
على نايك المكسور مع قلبي من سنين  
اكسر ليالي الصمت واصرخ آهات مجروحين  
دندن انين الوجع اسمع صدى المحرومين  
ابكي دموع جارحه دبلت على الخدين  
لا قادره توصل طريقها ولا ترجع للعينين  
تاهت بعمر ضايح ومكتوب ع الجبين  
تفضل كده دمعتي محتارة بين سكتين  
لا قلب يضمها ، ولا تمسحها إيدين  
ومنين تلاقى قلب واللا تقابله فين  
وهو زي الحجر حتي الحجر بـ يلين  
وقلوب البشر قاسيه مفيهاش مكان لحنين  
نقول خلاص مكتوب وعليه ادينا صابرين  
يمكن في يوم ننسي وإحنا اللي منسيين  
ويمر بينا الزمان نفضل معاه ماشيين  
لا اتغير اللي انكتب ولا فاتنا مرتاحين  
واسأل لـ فين الطريق وياه كده رايعين

يسكت طريق الألم وتنزل دمعتين  
تفيد به إيه دمعتك قلوبنا الموحوعين ؟  
ولحد إمتى يا زمن نفضل معاك تايهين  
من غير ما نلقى بر عليه نكون راسيين  
يا رب هون علينا سكه احنا فيها هايين  
ننسى كل الجرح وسنين عذاب ضايعين  
وينتهي الموال وليل شجن وأنين  
يطرح نهار الفرحة ونبقى م العايشين .

## لقاء

عندما يأتي إلى أجد الهوى والعشق في عينيه كأنه أول لقاء  
أرنبو إليه بلهفة فإذا الصحاري كأنها بالحب واحة خضراء  
تشرق الدنيا بوهج مشاعره ، وقلبه نجم تلالاً في السماء  
حتى غدت الليالي من بعد الظلام يكسوها الضياء  
ونبضه لحن ملائكي يشجيني حتى من دون غناء  
يسمعني قصائد حب كقطرات الندى على صفحات ماء  
لا تجف بحرارة الأشواق بل ترسيها وتمنحها البقاء  
بأن حبه لي أبدى وإن ابتعدت عنه فلن يجد إلا الشقاء  
وأقسم قلبه لي حتى إن افترقنا على الحب والوفاء  
فلا شئ في الدنيا يستميله ويشعره السكينه والرضاء  
فأنا من يبحث عنها في عيون الكون وبين ملايين النساء  
وأني أجسد كل ما يرغب ولا لغير قلبي يكون الإنتماء  
عند شفتي أقصى الحدود وفي عيني تكمن أسرار الفضاء  
ليصبح قلبي مجنوناً به ويمنحه من العشق ما يشاء  
تمر بي الساعات لا أدري كيف بدأت ولم عليها الإنتهاء  
تبقى معي بالروح تسحرنني وتمنحني السعادة والهناء  
وحين يرحل أكون أسيرة كلماته وكيف بغيرها أجد العزاء  
وتمضي أيام وقلبي لا يملك لعودته إلا التمني والرجاء

وظللت أبحث عنه في كل الأماكن كل الشوارع والأحياء  
وسألت عنه كل من يعرفه سألت جميع الأصدقاء  
فإذا بأحدهم يقول انه قد منح أخرى عهود الولاء  
أحقا خان وعوده ، وكل ما قاله أكاذيب وهراء ؟  
كيف يفعل بقلبي من بعد أن عشقه وبعد كل العطاء  
وبما تفيد دموع عيني ؟ فما على الخائن ينفع البكاء  
ملمت الجراح وسرت وحدي تعصف بي ريح الشتاء  
آتية في الدنيا بلا هدف وما عاد من معنى للأشياء  
ويوم تلاقينا مصادفة فكلمني ، ولم يجد إلا الجفاء  
أقسم لي بحبه انه ما خان لكنه القدر وظروفه الهوجاء  
وسألت هل أسامح؟؟ وهل ستجد نفسي الراحة والصفاء ؟  
وحتى إن فعلت فهل يوماً سأقدر أن أرجع للوراء ؟  
أن انسى كل حبي وأرضى بالصدقة وعلاقة جوفاء ؟  
وعجبت لأن قلبي مازال يظن قربه لجروحه الدواء  
وأني رغم هذا في بعض الليالي مازلت أتمنى اللقاء

## كم أحبك

ترى هل سيأتي يوماً تحبني فيه كما أحبتك؟!  
فأرى في عيونك لهفة المشتاق إن قابلتك  
وأملك الدنيا مجرد أن تلمس يداي يدك  
وتضمني فأذوب فيك وبالضلوع أكون قلبك  
وينام قلبي كالطفل بين يديك وفي حنايا صدرك  
وكيف لا؟! وانت للقلب البرئ وكل العمر تملك  
فإن طلبت إليه شئ سلّم بالهوى فيقول أمرك  
لك ما تشاء فإنني لك ما حييت أكون طوعك  
وإن رأيت طاعتي ضعفاً عذراً قد أخطأت ظنك  
فضعفي لـ حُبك منحنى قوتي لـ أظل قربك  
لأكون دوماً نجمتك أضئ لك وأرشدك بدربك  
وتكون لي عوناً على الأيام بحنانك وعطفك  
فأنا حياقي كلها وسنيني ، أيامي وأحلامي وهبتك  
فيا حبيبي ..  
حبيب عمري ، هل لي فقط بأن تمنحني حبك؟؟

obeikandi.com

## صدفة

صدفة اتقابلنا ومن ساعتها بدأت حكايتي معاه  
كانت دموعه بتحكي جرحه وف عينه مليون آه  
وجعني وجعه وكان نفسي ألاقي لجرح قلبه دواه  
وف لحظة من غير ما ادري إمتى دوبت ف هواه  
كان أحلى يوم ف العمر عندي يوم ما كنت ألقاه  
ومما قال لي كلمة بحبك قلبي طار في سماه  
إديته حُب الدنيا كله ، ونَسِيته كل أساه  
وفي يوم ملقتش حُبه وبدأت أحس جفاه  
حأولت اكذب نفسي يمكن أكون ظالماه  
وملقتش في كلامه حبيبي اللي أنا عارفاه  
وب بعدة اكثر أكد شكوكي وبنارها قلبي كواه  
وزي حُبه ما بدأ ب لحظة ، في ثانية قلبه نساه  
فاتت ليالي وحأولت انسى وقلت مش فاكراه  
وكان نصيبي أقابله ثاني صدفة واكون شايفاه  
قدامي بيحأول يقول لي في البعد أنا وحشاه  
وف كل صدفة يتمنى قلبي انه يكون وياه  
ما قلبه لسه بيتمني قلبي وعينيه بتترجاه

أتاري كل ده كذب و عيونه مش عاشقاه  
وحياته صبحت ل غيري وبقى قربه كل مناه  
وبيقول لي ما نسيت عينيكي ولا الحب وذكراه  
إزاي أصدّق كذب قلبه وغدره الي أنا حاساه  
لازم أفوق من حبه ومن وهمي الي أنا عايشاه  
وقدرت أبعد عنه ثاني وأقوله مش عايزاه  
مش هاعيش العمر لعبه والحال ده مش قابلاه  
ولو حياتي في إيده هو، الموت أنا راضياه

## وعدود

وعدت قلبي بالحنان ، قسيت عليه وحرمتني  
وعدت تديني الأمان ولوحدتي وغدر الليالي سيبتني  
وعدتني تدأوى جروحي وبـ إيدك انت جرحتني  
وعدتني تفضل معايا ووقت إحتياجي لحضن قلبك بيعتني  
وعدتني تحافظ عليا ومن كُتِر إهمالك وبُعدك ضيعتني  
حلفت بالعدل تعاملني وحتى من غير العتاب ظلمتني  
وعدت تبعد عن طريقي كل الهموم وللأحزان سلمتني  
وعدت ترشدني لحياة وفي النهاية قتلتني  
وعدتني .. ووعدتني ...  
وبكل حاجة وعدت بيها في يوم نسيتها وخلفتني

obeikandi.com

هذه القصيده رد على قصيده انطردى الآن من الجدول  
للشاعر هشام الجبخ

## لتحمل جدولك وترحل

لتحمل جدولك وترحل فأمامك باي قد أقفل  
سأعيش اليوم بلا حُبكِ وستغدو حياتي أنا أجمل  
أظننت فراقك بركانا سيُدمر عمري ويُزلزل ؟  
تتفاخر إنك تحكمني !! فيحكّمك قلبي لن يقبل  
وعزّلتك عن مُدنِ هوايا ولأمر غرامك لن أمثل  
تشكو من حزنك وضياعك ولقتلك بيد من يجهل  
وبجهلك انت تُعذبني وتُصرُّ أمامك أن أقتل  
هجرى ما كان بلا سببٍ لكنك حتى لم تسأل  
لم تسمع يوماً لأنيني وتركت دموعي تتوسل  
وصبرت وقلبي على ظلمك وظلمتُ كثيراً أتحمّل  
الآن يُضايقُك ضنيني بغرامٍ كان لك المنهل  
قد كان غرامي فيضانا بحنانك يهدأ ويُذلل  
وبكبرك وعنادك أغرق أحلامي معك همستقبل  
أتوقّع صك الهجران وبسهوله قلبك يتحوّل ؟!  
وتقول بأنك تنساني وكغيري أنا وحتى أسهل  
أنا لست كمن كانوا وسوف تدرجهم يوماً بالجدول

الحب معي استثنائيُّ فهو الأعلى وهو الأمثل  
وامرأةٌ مثلي لا تُنسى بل تسكن عمرك وتُكَلِّل  
وسيبقى عطري تذكُّره مهما وردى يوماً يَدْبُل  
وستشعر بحنينٍ لدفتي ولشمسِ وجودي إن تأفَّل  
فتباهي بنساءِ الدنيا سأظل بعشقي أنا الأفضل  
تتوهم أي بلا دورٍ في حياتك بل دوري الأول  
فبطولة عمرك أكتبها وبدوني القصة لن تُكَمَّل  
وستدري هزيمتك لفقدي حين ستارُ حياتك يُسَدَّل  
فتماذى بغزواتِ جنونك واطرق أبواباً وتَنقَل  
وتَغَنَّى بقصصِ ضحاياك وازداد غروراً واسترسل  
قل إني واحدهُ منهن إن شئت فإنك لا تَخَجَل  
وأنا صامتهُ ، شامخهُ مهما قلت ومهما تَفَعَل  
وسياتي يومٌ تبكينى وتودُّ كأني لم أرحل  
حتماً سأرى ندمك بَعْدَى مهما يَبْعُدُ أو يتأجَل  
لكن لا تأتيني بدمعِك وبقلبٍ مُتَعَبٍ مُسْتَعْمَل  
اليوم سأنهي قصتنا لتعيش بلا حبي مُهْمَل  
وسأنسى وجودك بحياتي وعن كل تفاصيلك أغفَل  
وكأنك شَيْءٌ ما كان ولو حتى خاتمة من جدول

# مش بحبك

صدقنى مش بحبك ..  
ولا يوم حنيت لقلبك ..  
كل الحكاياه إني ..  
ب ارتاح لوجودى جنبك .  
عاجبنى إنك معايا ..  
وب تحس ب بكايا ..  
من غير ما تشوف دموعي ..  
وإحساسك كفايه .  
ياريتك تبقى جنبى ..  
وتفضل ويا قلبى ..  
غالى وعزيز عليا ..  
وب تنور لى دري .  
تمسح دموع عينيا ..  
وتطمئن عليا ..  
ف الشده تكون لى صاحبي ..  
وفرحتي اللي جاية .  
أنا محتاجة لصداقتك ..  
ولوجودك وقربك ..

مفیش مکان فی قلبی ..  
للحب ، مش لحبك .  
حبك مش هو هدی فی ..  
ولا حب الدنيا يكفی ..  
أنا قلبی مات ، لا یمكن ..  
حاجه فی برده تدی فی .  
یاریتك بس تفهم ..  
وب كلامی تسلّم ..  
ماتضعش الی بینا ..  
ف ییجی یوم وتندم .  
ماتجر حنیش بظنك ..  
وأفكارك وعندك .  
ده أنا لیک صاحبك و ضلك ..  
فی دمعك قبل ضحكك .  
وقلبي معاك لكنی ..  
صدقنی مش بحبك .

## حضانك

بحب حضانك قوى ..  
واتمنى أسكن فيه ..  
لأنه بيت وأمان .  
بيكون لقلبي الدفا ..  
ويضمه في ضلوعه ..  
لو قال في يوم بردان .  
ولو بكيت م الألم ..  
والحزن يغلبنى ..  
ألاقيه دوا الأحزان .  
يمسح دموع عيني ..  
ويهدى لـ جبينى ..  
بوسة طيبة وحنان .  
يحأوطنى إحساسه ..  
واتغطى بـ انفاسه ..  
فيبوسنى مرة كمان .  
يضمنى بقوه مليانه حنيّه ..  
ألقى سواد الحزن ..  
فجأه صبح ألوان .

وب طبطبه هادية ..  
أبقى معاه راضية ..  
وانسى كل اللي كان .  
صادق برئ حزنك ..  
وجميل قوى قلبك ..  
يا أطيب ملاك انسان .  
كان نفسي أكون ملكك ..  
وأعيش عشان قلبك ..  
مهما يطول الزمان .  
لكنه نصيب وقسمه ..  
أتمناه وأما أقابله ..  
يكون بعد الأوان .

# سيبونی ارتاح

رايحه فين ، هنا إستنى ، لسه بدري ع المرواح  
أنا تعبانه ، جملی ثقيل ، ح انام يمكن ساعتها ارتاح  
تعبتى إزاي؟! وده من إيه؟! وَزَيْكُ كونه كله براح  
وضحكك كل يوم بيرن ، يملا حياتنا بالأفراح  
لا عمرنا شُفنا ليكي دموع ، ولا حَسِينا فيكي جراح  
وحُزْنِك مستحيل وبعيـد ، وقافل بائِه بالمفتاح  
ف ليه ضحكك صبح انات والوش البشوش فين راح..!!  
( بتسألوا ) ليه؟! وده من إيه؟

ما أنا منكم ، ومن طينكم .. بشر مخلوق  
ولازم ييجي يوم أتعب ، وم الأحزان لأبْدُ أدوق  
عشانكم ياما خبيتها ، حأولت انسى ومنها أروق  
لكني تعبت .... من وجع البعاد والشوق  
وهمّ كبير حأوطني العمر زي الطوق  
وحلم كان واخديني معاه لغاية فوق  
نزل ميت ، وكاسرني ، وقلبي لسه بيه مخنوق...!  
كمان مخنوق؟

عجيب أمرك صحيح ، وغريب ملوش تفسير

وهو قأنا قلت حاجه يا ناس ، أنا جوايا لسه كثير  
حاجات في القلب مخنوقه ، خلاص وتعبت م التفكير  
دأويت ياما جراح ودموع ، وكنت بـ اشيل هموم الغير  
ولا فكرت يوم أحكي ولا أشكيلكم ، وبـ ابديلكم تملى الخير  
ده كل الي طلبته أبعد ، وخُفّت عليكم م التأثير  
فـ ليه تستغربوا ألمي ، وحقي حتى في التعبير  
وبتقولوا كده اتغيرت ، ومش قابلين بـ ده تغيير  
جـرالكم إيه؟! ، وليه ساكتين؟

بتسألوا إيه سبب حزني ، وتضايقوا أما قلبي باح  
ح اقولكوا إيه؟! أنا آسفة ، مفيش حاجة بجد سماح  
وانسوا كلامي ، دي خيالات ، جنان أوهام وطيف أشباح  
يمكن بس أكون أنا نمت ، وكل ده كان كابوس وانزاح  
تعالوا نعيش بلا دوشة ، وقَلِّبت بال ، بُكا ونواح  
سعيد قلبي ما دام شايف ، فرحكم في العينين أهو لاح  
فلا بيحزن ولا مهموم ، وضِيّه يقيدلكم ليلكم كأنه صباح  
ولا تعبان ولا مروح ، ولا عمرة يقول تاني سيبوني أرتاح

# أهون عليك

مش قادرة أصدّق اللي شُفّته من عينيك  
بتتهمني إزاي حبيبي في حبي ليك  
بتنقّسى قلبك بالعناد ، طب أهون عليك ؟  
أستنى تيجي وف كل لحظة روحي تناديك  
ده حيايتي انت وأنا اتولدت بين إيديك  
ولا حد غيرك يوم في قلبي يكون شريك  
ويبيع حياته عشانك انت ويشتريك  
فإزاي يخون ولمين يكون لومش لاقيك  
عارفة حبيبي إنك بتعشقني بجنون  
والغيرة حيرة ونارها بتزيد الظنون  
لكن ده مين يسأويك في قلبي ومين يكون  
فاتوا يومين قلبي حزين مليون شجون  
والدنيا عندي لا ليها طعم ولا فيها لون  
وقبل تالت يوم تيجيني بـ ابتسامة  
وتقول حبيبتي ده غيرتي على حبك علامة  
فما تزعليش لو كنت طولت الملامة  
إنتي اللي عارفه بحب قلبك قد إيه

وخوفي عمره ما يبقى منه ، ده كان عليه  
وبعدت يمكن ، لكنى أبداً مش ناسيه  
سامحيني على لحظه جنون وكل دمعة سببتها  
وعشان بحبك جيت لقلبك قلتها  
آسف على كل الليالي اللي في بُعْدِك عشتها  
آسف على مَدَّتْ إيديكي لحضن إيدي وسببتها  
ورجعتك علشان أصلح كل غلظه عملتها  
خلاص بقى ماتقولش تاني كتير كلام  
ده في حضن قَلْبِك تنتهي كل الآلام  
وأنا لما شُفْتُ عينيك نسيت حتى الملام  
وكإننا لا بعِدنا ثانيه ولا كان بيننا فيه خصام  
ما انت حبيبي اللي بادوب في غرام عينيك  
وأنا اللي ساكنه جوه قلبك عايشة فيك  
مهما ح يحصل بيننا ، تاني بـ اقولها ليك  
لا أقدر أغيب عنك أنا ولا قلبي مرة يهون عليك

## خيانة الصديق

حِكْمَه قالوها الكُبار ، إختار صاحب الطريق  
قبل ما تختار طريقك ، أصل الصاحب رفيق  
ح يكون دائماً معاك في الفرح ، ف وقت ضيق  
وساعات يبقالك أقرب من الأخ الشقيق  
وف يوم ما يكون عدوك ضربه بحق وحقيق  
تَكسّر ضهرك وقلبك يقيد جواه حريق  
ده الأصعب م العداؤه هي خيانة الصديق  
وأنا كنت باقول زمان إن الصاحب أمان  
خدعتنى ناس بريئه جواها الغدر كان  
حقيقتها ف لحظة ظهرت والكذب عليها بان  
والقلب سوادُه يغلب ولا عيش ولا عشره سان  
قلوب ياما ووجوه طلوعوا أصحاب فاشوش  
ماسكات ألوانها تبهر تخفي وراها الوشوش  
راسمين الطيبه برّه ومن جواهم وحوش  
إديتهم كل حبي وكانوا ما يستاهلوش  
وطمعهم فيا زايد ومني ما يختشوش  
الي بيفرح لفشلى ويقول جينناكي الأرض  
والي بياخد ما يدي وف إيدي نزلوا عصّ

واللي بيحكي ف سيرتي واللي يخوض ف عرض  
واللي بيغدر بقلبي وكان خيانتني فرض  
واللي بيعمل قَرِيب يتقن دور الطيب  
وهو الجرح قَصْدُه وأم جديد يسب  
ويحلا لهم عذابني اللي وقفوا ب باي  
يحكوا لي عن عذابهم ويشكوا لي النصيب  
واللي في طبعه الخيانه واللي يخون الأمانه  
ويبطعتني في حبي ويخونني مع الحبيب  
واللي بيوعد ويخلف واللي على العمر يحلف  
انه ح يفضل معايا وبدون سبب يغيب  
وده يسرق فكره مني وده يكذب كدبه عنني  
وده أسرارني يقولها ولا يعرف حتى عيب  
واللي بيكره سعادتني واللي يغير من كفاءتي  
والحق ب يملأ قلبه أكثر من الغريب  
وده كله مني كان يمكن سوء إختيار  
لكن دلوقتي فعلاً أنا أخذت القرار  
يوم ما أصاحب ح ادور ع اللي يكون لي دار  
فيه ألقى أمان وصحبه ويكتم الأسرار  
ول ذاتي يكون حاببني دي صداقة الخير عمار  
صاحب صاحبك وصونه ح يكون لك طوق نجاه  
إياك في يوم تخونه لو حتى مش معاه  
وإتمسك باللي عايزك ومعاك طول الحياة  
كلمه وصدق اللي قالها اللي يخون صاحبه تاه

## آسفه .. حبيتك

قابلتك كنت موجوعة ، ب اذارى أم مموتنى  
بحاول أمثل اني بعيش لكنك برضه حسيتنى  
وقلبي ساعتها كان بيموت ف جيت انت وأحيتنى  
مسحت دموى بحنانك وطيبتك دي اللي داويتنى  
رسمت البسمة لشفافىي وكانت الفرحة نسيتمنى  
وكنت معايا ع الأحزان وقسوتها وقويتنى  
وحسيت إن كل الدنيا رضيت عنى صالحتمنى  
وغضب عنى خدتمنى ليك بدون ما اشعر وشدتمنى  
كنت في كل يوم بيفوت ب اقرب ليك وحسيتك  
ولا بقدر على غيابك ولا ب اعرف ل إيه جيتك  
أتارى القلب بيك مشغول وآسفه لأنى حبيتك  
بقول آسفه عشان عارفه إن الدرب مش دري  
وقلبك ليّا مش حابب ولا ناوي يكون جنبي  
وكل اللي عملته إنك بكل ضمير داويت قلبي  
وكنت برئ في إحساسك وعمرك ما نويت حبي  
لكن برضه أمّا حبيتك ده مش ذنبي  
ماهو انت اللي ما بين الناس مفيش زيك  
لا فيه في الدنيا إحساسك ولا طيبتك

عشان كده لما جيتنى ساعتها أنا سيبتك  
لا قلبي هرب كما العادة ولا عاندتك  
وسلم ليك ومن غير قصد أنا عشقتك  
وإيه الحل دلوقتي وقلبي بيك خلاص مجنون  
واصبحت الأمل والنبض والتفّس اللي بيه بيكون  
وكل الدنيا ما تسوّى وحتى العمر ليك بيهون  
لكن عمرة ما هيقولك ولا مرة يصرحك  
ماهو أصل التمن موقى ده من غيرك أنا أهلك  
أضيع لو بس تنساني ما حُبك كل ما أملك  
وقلبي ما فرح مرة ولا حسّ الحياة قبلك  
ف خلّيني أعيش بـ هَوَاك ومش لازم أنا أقولك  
صديق أو أخ مش فارقته وزيّك برضه راح أكونك  
كفايه القلب كده مرتاح وراضى يكون كما ضلك  
لا هيفيدك في يوم تعرف ولا ح يضر بيه جهلك  
ما دام جنبى وأنا وياك هاعيش بـ اهَوَاك ومبسوطة  
ولو حتى حياتك يوم بغيرى تبقى مربوطة  
في فَرَحك قلبي ح يغنى وتخفي دموعه زغرودة  
ويرقص م الجراح موجوع بزيّف ضحكة يداريها  
ونار غيرّه بتحرقنى لكنى عليك ح اخبياها  
بكده كبيره مش سهله لكنى اخترت أعيش بيها  
بدل ما أموت وأنا عايشه في دنيا انت مش فيها  
سامحنى ويوم ما تعرفها بلاش تزعل وعديها  
لا أنا أقدر أقول عاشقك أو انسى عينيك ولياليها  
وأنا بـ أوهب حياتي ليك وخليك انت عيش ليها  
بس أمانه لو يوم بان في عيني لهفة العاشق

بلاش في الحكم تتسرع تسيب قلبي ف دموع غارق  
حرام قلبي اللي عاش يوم بيك يموت لحظة ما نتفارق  
كده يبقى اتفقنا خلاص أنا وقلبي وخذنا الوعد  
ح احبك من سكات وانت تكون صاحبي الحقيقي بجد  
ولا ف حبي هتجرحني وفي علاقتك ح اصون العهد  
واكون يا حبيبي أنا صديقتك ولا يعرف طريقنا البعد

obeikandi.com

## ابن قلبي

يمكن أكون أنا مش عجوزه ولا انت طفل بحمّلات  
لكن معاك حققت حلم أنا كنت فاكهه إنه مات  
ما اعرفش ليه واشمعنى انت عملتلك استثناءات  
ما هي الحكاية مش فرق سن سنين طويله أو ساعات  
ولا شكل مين أكبر أو أصغر في الملامح والسّمات  
أصل الأمومة إحساس في قلب مش بس بـ ولاده وآهات  
وانت ابن قلبي اللي اتولد جوايا حُبّه من سُكات  
أبو قلب أطيّب م الطيابه وروحه أصفي المخلوقات  
أبيض قوي وجواه برئ مفيهوش ضغائن وحسابات  
وعشان كده بجد انت إبني بـ اقولها واعلنها بثبات  
أتمنى لوأحميك واصونك م الدنيا من كل الحاجات  
ويارب أحلامك تنولها وتحقق كل الأمنيات

obeikandi.com

## هدية

حبيبي ياريت عشان خاطري غمض عينيك  
في حاجه بسيطه جاياها ياريت ترضيك  
وتقبل قلبي ده عشانك يكون حواليك  
ح اشيله من ضلوعي واسيبه ملك إيديك  
هدية صغيره مني ياريت تكفيك  
ولا تسأوي اللي جوايا وب احسه ليك  
لكني اتمنى لو يقدر في يوم يحميك  
يكون حارس أمين ومن الأم يفديك  
ويبقى الضى لعيونك ونور لياليك  
ولو تحتاجله يوم تلاقيه بـ يجرى عليك  
ويفضل ليل نهار جنبك وحاسس بيك  
محأوطك بالحنان والحب ويراعيك  
ولا يفارقك بغير الموت ده روحه فيك  
فـ تسمحلي بقلبي يا عمري إني أهاديك

obeikandi.com

## قصة المظلوم

يا دنيا لفي ودوري بينا كمان وكمان  
إحكي القصة م الأول ونبدأها بـ كان ياما كان  
عن واحد بسيط جدا كان اسمه المظلوم غلبان  
لا فارق كام سنين عمرة ولا نعرف إيه العنوان  
ما هو موجود هنا وهناك في كل مكان  
عادي في شكله وطموحه مجرد انسان  
مفهبوس ميزه وسط الناس عمرة ما بـ بيان  
عايش وخلص قضي حياته في قهر وحرمان  
أكله مسرطن ، مبيته مسمومه ، وعيشته هوان  
لا فيه تعليم ولا رعايه وقال بيقولوا بالمجان  
ولا وظيفه بدون واسطه وكوسه وقرع وبتنجان  
يادوب بيلاقي قوت يومه وياما بات ليالي جعان  
حتى المستقبل مش باين وإزاي راح يقدر ع الأحلام  
ومنين يجيب عشان حلمه يشوفه حقيقه مش أوهام  
لكن تلاقيه صابر راضي على حاله بتعدي الأيام  
والظالم بـ يزيد في عمايله ولا عنده ضمير ولا هممه ملام  
مبسوط وبيضحك مطمئن إن المظلوم ده كبيره كلام  
كل اللي يهمه انه بـ يعلى وولادته ومصالحه حماها

ناسى إن الصبر ده ليه حدوده وخلص بزياده عداها  
أهو فاض بالمظلوم واتكلم أحلامي مش ممكن انساها  
مش ح اضعف تاني أو استسلم وانشالله أموت حتى فداها  
واصرخ يسقط حكم الظالم لو كل الأسوار علاها  
عايز حقي واعيـش بكرامه وح أهد الحيط ع اللي بناها  
وقدر يوصل صوته العالي وكلمته قالها وغناها  
الحق أهو بان عاد لاصحابه وميزانه صبح معدول  
نهاية الظلم شئ ساهل ومن تاني لأبد نقول  
تملي الظلم يستقوى برغم حقيقته انه جهول  
ولا بيدوم ولوطول بـ ييجي اليوم عليه ويزول  
كل القصة لوتقدر تقول حمرا يا عين الغول  
تلاقي الغول صبح قطه وخاف منك جري على طول  
لأنه جبان وأصله ضعيف وخوفك منه كان مسئول  
عن انه استضعفك خلاك تكون طوعه وليه مذلول  
يضيع الحق بـ سكوتنا والظلم في حياتنا يسود  
لكن لوكلنا نقول لأ مش ممكن في يوم ح يعود  
وإياك يوم تسبب حقك لكلمه ( ربنا موجود )  
ما المولى اللي قال إعمل وخليك بيه وعليه مسنود  
قوم إعقلها واتوكل أفـف ثابت وشد العود  
تقول يارب ع الظالم وبإيديك تمحى أي حدود  
تبدأ تبني مستقبل ولا يبقى الطريق مسدود  
وتنتهي قصة المظلوم وحققه إليه يكون مردود

## عيش في الدور

مَثَلْ أَكْثَرِ عَيْشٍ بَزِيَاةٍ كَمَا فِي الدَّوْرِ  
إِوْصَفَ حَبْكُ لِلْقَلْبِ الْقَاسِيِ الْمَغْرُورِ  
إِحْكِي كَمَا عَنِ غَدْرِهِ إِزَايَ سَابِكِ مَكْسُورِ  
إِزَايَ اسْتَحْمَلْتَ عَذَابِكِ مِنْ كُتْرٍ مَا يَبِجَّرِحُ فَيْكِ  
وَإِنَّكَ كُنْتِ مَلَائِكَةَ بَجْنَاحٍ وَهُوَ شَيْطَانُ اسْتَقْوَى عَلَيْكِ  
وَإِنَّ ظُرُوفَكَ كَانَتْ صَعْبَةً وَهُوَ جَبَانُ سَابِكِ وَحَدِيكِ  
مَارَضِيْشِ جَنْبِكِ يَفْضُلُ وَاقِفٍ وَبِحَبْهِ وَرُوحِهِ يَحْمِيكِ  
وَإِكْتَبْ لَهُ قَصِيْدَهُ أَوْ أَتَيْنِي وَالنَّاسُ حَ تَهْلَلُ حَوَالِيكِ  
تَزْعَلُ وَتَعْيِطُ عَلَيَّ حَالِكِ وَيُوَاوِسُوا فِي خَاطِرِ مَعَالِيكِ  
وَإِيَّاكَ تَنْسِي تَقُولُ لَنْ أَسْمَحَ لَوْ يَوْمَ فِكْرٍ يَرْجِعُ لِيكَ  
بَسْ أَنَا عَارِفُهُ بَعْدَ مَا تَمْشِي وَأَنْتِ سَعِيْدَةُ إِنَّكَ مَنْصُورِ  
وَتَكُونُ وَحْدَكَ أَنْتِ وَقَلْبِكَ رَاحٌ تَكْشِفُ كُلَّ الْمَسْتُورِ  
وَتَفَكِّرُ إِزَايَ كَمَا جَنْبِكَ وَإِنَّهُ لِقَلْبِكَ كَمَا النُّورِ  
وَإِنَّكَ لَمَّا كَذَبْتَ عَلَيْهِ كَمَا عِ الْبَعْدَ أَكَيْدِ مَعْذُورِ  
يَبْقَى إِزَايَ بِتَقْوَلِهِ يَعْيِشُ عِلْشَانِكَ وَيَهْدِي السُّورِ  
وَبِظْلَمِكَ أَنْتِ الَّتِي قَتَلْتَهُ وَهُوَ عَلَى الْمَوْتِ كَمَا مَجْبُورِ  
وَغَمُومًا مَشَى فَارِقَهُ نَهَائِيْتَهُ وَكَفَايَهُ أَنْتِ بِقَتْلِهِ فَخُورِ  
فَاحِكِي كَمَا وَإِكْتَبْ فِي قِصَايِدِ مَبْصُوغِهِ بِدَمِهِ الْمَهْدُورِ  
بَسْ أَكَيْدِ الْحَقِّ هِيَ رَجَعُ لَوْ يَوْمَ أَوْ كَمَا بَعْدَ شَهْوَرِ  
مَا الدُّنْيَا لَوْ اللَّيْلَةَ مَعَاكَ بَكَرَهُ عَلَيْكَ لِأَمْرٍ حَ تَدُورِ

obeikandi.com

## عشان خاطرک

ح آجی عشان خاطرک علی نفسی  
واستحمل وأکنم أوجاعی  
راح أكمل مشوارى فی بحرک  
لو حتى الريح هد شراعی  
والموج مهما یزید أو یعلا  
مركبى قلبی وحبی متاعی  
مش ح ایأس ولا أسلم أبدا  
ولا مرة أقول إیه الداعی  
طول ما انت معایا وحوالیًا  
بتخاف علی قلبی وبتراعی  
تلاقینى معاك دایما جنبك  
لا تخاف من بُعدى ولا وداعی  
بس انت کمان لازم تبقى  
بر أمانی وحلمى الواعی  
تتحقق لى وتبقى الدنيا  
وبراحك لبراحى یساعی  
تملك قلبی بكلمه حلال  
وبد شرع الحب انت بتاعی

obeikandi.com

# مهما زعلت منك

أنا مهما زعلت منك عمرى ما بعدت عنك  
لكن ب سهوله انت تبعد عنى وتغيب  
بتقول على قلبي قاسى والقسوه هي طبعك  
وبتنسى وعد حبك ح افضل داها قريب  
تروح لبعيد وقلبي يفضل صاين لوعدك  
وغياباك عنه يطول وليله يكون كئيب  
أستنى كتير ليالي ترجع وانادى قلبك  
فلا بلاقى لندايا صدى ولا فيه مجيب  
وترجع تاني تندم وبرضه ارجع أسامحك  
وهواك يمسح دموعى وجروحي بيبك تطيب  
وتاني تبيع هوايا تبعد وتنسى حبك  
ولو في يوم عاتبتك بتلوم على النصيب  
وكل مرة ترجع وتقول مكنش ذنبك  
واقول معلش وانسى ما طيبتى فيا عيب  
والغيبه تاني تاخذك وبيان فيها خيانتك  
وكان اللي ب اشوفه واحد تاني وغريب  
إستحمل قلبي ياما كل اللي شافه منك  
برغم اللي عملته ومهما كان صعيب

برر كل حكاياتك واتمسك بيك ف غيتك  
بس لحد الخيانه وكان لازم يسيب  
يبقى ازاي تتهمنى اني اللي نسيت وبيعتك  
وبقرى مش حبيبه وانت ب بعدك حبيب

# عارف

عارف !! أكيد مش عارف قد إيه أنا بحبك  
عشان لو عارف كنت تفهم من غير ما اقولك  
كنت حسيت بـ اشتياقي ولهفتي لصوتك وحننك  
كنت ماتحبش فراقى وتضمني دايما لقلبك  
كنت تفضل جنب قلبي تطمئه وتخاف عليه  
وان بـعد لو لحظه عنك كنت تجرى وتناديه  
بس قلبك مش ح يفهم قلبي حَبُّه قد إيه  
لإن حبي مش قد حاجه في الوجود  
هو أكبر م الفوارق والموانع والسدود  
وعشان حدود الحب عندي بدون حدود  
ما تلاقي زيه فـ حكايات الهوى المسرود  
لـ آخر يوم بـ عمر الكون أو قبل جدود الجدود  
تلاقيه في أوراق الشجر وساكن بـ قلوب الورد  
وقد حبات المطر والندى فوق الخدود  
وفي كل دقة قلب داني بلمسته يمحي البرود  
دي دقائق الحب القليله معايا يسأويها الخلود  
وده مش غرور منى عليك لكنه بيك عشان حبيبتك  
ولو فهمت وقدّرتنى تلاقيني جوه عيوني شيلتك

وكنـت لـيـك راحـه وسـكن و لا مـرة زعلـتـك ، تعـبـتـك  
لـكن لو انـت جـيـت علـيا وبيـعـتـنـي واخـتـرت غـيـبـتـك  
فـانـت مـش عـارـف اـكـيـد مـعـنـى اـنـي فـي يـوم عـشـقـتـك  
وـخـسـرت حـبـي الـيـي كـان بـالنـسـبـه لـيا هـو مـيـزـتـك  
والـيـي خـلاـك كـنـت أوـلى مـن البـشـر اـنـي آمـنـتـك  
يـبقـى ما تـلـومـنـيـش سـاعـتـها إن أنا الـيـي مـشـيـت و سـيـبـتـك

## تيجوا نحب

ما تيجوا نحب ونسامح ونسمح للقلوب تفرح  
وننسى الدمع والأحزان ونلقى للفرح مطرح  
نشوف الورد بـ يغني في صوت عصفور بـ يتفتّح  
وشمس أملنا بتنور وليل الحزن بيروّح  
أصل الدنيا مش دايمة فـ ليه نعقدّها ليه نجرح  
وليه نجرى ورا الخلافات ونبكي الحظ وننوح  
تعالوا نعيش بـ راحة بال نجرّب لو فـ يوم نسمح  
لأحلامنا ونطأوعها فـ يوم نفشل ويوم ننجح  
وبكره يكون أكيد أحلى وشجر العمر راح يطرح

obeikandi.com

## سِتر (سبَاعِيه)

ياما عيوب وحاجات في هدوم بـ تَدَّارَى  
وناس كثير ما تسأويش في فلوسها تَدَّارَى  
واللي بيغوى الضلمه لـ اجل ذنوبه تَدَّارَى  
ربك عليم بالبشر ونفوسها وخِفاها  
مهما يحأولوا الهرب في الدنيا وخِفاها  
عالم بأعمالهم في ظاهرها وخِفاها  
لولا بستره خِفاها كان فين من خلقه تَدَّارَى

obeikandi.com

## مش جديد

مش جديد البعد عنك والفرق  
مش جديد إن الأم تهديني ليه  
مش جديد تحرقني نار الإشتياق  
وانت سايب قلبي ولا مرة تناديه  
م القساؤه ومن عذابك ياما داق  
وب إيديك المر دائما ليه ساقيه  
لما يبقى الحب فيك كذب ونفاق  
عادي جدا لومشاعري تهون عليه  
ينسى قلبك عهدي ويخون الاتفاق  
وحبي يبقى لعبتك تتسلى بيه  
خليت براح الدنيا من حواليا ضاق  
والفرح تايه من طريقى ومش لاقيه  
يبقى عادي لو النهارده قلبي فاق  
مبقاش يحبك تاني ولا قلبك شاريه

obeikandi.com

## سلامتك

سلامة قلبك المليون غنا وموأويل  
من الوحده وإنه يكون حزين وعليل  
وضمة حزنك الدافي في برد الليل  
من غربة طريق ضلمه بعيد وطويل  
سلامة نبضك المرسوم كلحن أصيل  
من نغمه انين تنبض بـ رتم ثقيل  
يموت جوه منه الغنوه والترتيل  
سلامتك من وجع مجروح وآهة ويل  
بتجرح قلبي لمحتها عليك بتميل  
سلامتك من دموع مخنوقه لما تسيل  
تحوشها قوام وبتخبئها بالمنديل  
وتكنتم صرخة مزروعة في حنايا القلب  
على شفائفك بتطرح ألف بسمه كذب  
وتبص في وشوش الناس وكلك حب  
وحنانك بيفرض نفسه بيك بالغصب  
مش عايز بيان ضعفك وتشكى الكرب  
فتسكت والألم جواك يقول يارب  
بس اللي انت مش قادر حبيبي تفهمه اني

بشوف ف عيونك الصافيه اللي بتداريه منى  
وأحس بكل انفاسك ولو حتى بعيد عنى  
ولو ساكت باكون فاهماك وعارفه إنك بتفهمنى  
وقلبي معاك لفين ما تروح وراح تلاقيه مستنى  
يطمن قلبك اللي زمان بـ حبه ياما طمنى  
وعمرك ما تكون وحدك وأنا جنبك يا ساكنى  
ولا بتغيب ، ولا جواك تتوه لحظه ده حبي دليل  
يعيدك ليا من تاني ولا الفرحة يكون له سبيل  
فلو تسمح كفايه تدارى أحزانك بكل الكذب والتمثيل  
وسينى امحى الهموم منك وأهديك السعادة بديل  
واضمك بالضلوع واحميك من الأيام وعنك أشيل  
أمهدلك طريق روحك وقلبي وروحي لىك قناديل  
ولو اضحى حياى فداك تكون ملكك وبرضه قليل  
سلامتك يا سلام القلب وأمانه اللي ما له مثيل  
تسلملى ويسلم قلبك الغالى سعيد وجميل  
وملا الدنيا حواليا كما العاده غنا وموأويل

## إحلمى

غمضى عيونك ونامي إحلمي بدنيا الهوى  
إرمى كل الجرح وانسى بكره ح تلاقى الدوا  
والدوا مش بس عاشق من جديد يدخل حياتك  
انما الحل الحقيقي ح تلاقيه من جوه ذاتك  
لما تاخدي قرار بجد تعوضى كل اللي فاتك  
تبدأي المشوار بخطوه بيها تكبر أمنياتك  
بـ إيديكى تتحول حقيقه تكبريها بطموحاتك  
وكل يوم بتاخذى خطوه تزيد معاها انجازاتك  
المهم إنك تكونى واثقه من نفسك سيببها  
واما تبقى عايزه توصل لازم انت تصدقها  
تكملى باقى الطريق ولـ النهايه توصلها  
تدورى على كل حاجه تفرحك وتسعديها  
واعرفي إن الدنيا أكبر م الغرام لو تفهميها  
وان قلبك إتخلق علشان يحبها بالي فيها  
مش بس واحد لما يمشى يموت خلاص وتكرهها  
الحب شئ جميل أكيد لكنه مش آخر ما بيها  
الحب جزء من الحياة معاه ومن غيره تعيشها  
حددى حلمك وقومى جربي إزاي تملكه

إرسمى لنفسك طريق وخيط بدايته إمسيه  
وبكره ح يشد الي بعده لحد يوم ما تكمليه  
بعزمك إنتي تكوني سنديك والمستقبل إكتبيه  
من حروف أملك .. إرادتك .. صممي وحقيقه  
الحياة لو تهملها تكسرك تنسى وجودك  
أما اما تعافري فيها ترفعلك وتشد عودك  
فكّري كويس وشوفي فين من الأحلام حدودك  
إكسريها وعدى أبعد من مداها ومن قيودك  
إمسحي دموع انهزامك وابعديها عن حدودك  
وازرعي الفرحة بهلامحك تطرح الضحكه ورودك  
إوعدي روحك تعيشي والماضي خلاص انطوي  
إطلقى قلبك يرفرف كإن عمره ما انكوي  
واحكمي بعقلك حياتك يوزنوها مادام سوا  
المهم تكوني أقوى من الهموم ومن الجوى  
توصلى بالعقل هدفك والطريق الي اغتوى  
وبالنصيب يتلاقى قلبك وبندي غرامه ارتوى  
تتعديل كفة سنينك وميزان عمرك يستوى  
ويبقى شكل الدنيا أحلى لما يحلى المحتوى

## ح ييجى اليوم

ح ييجى اليوم ما تفلقشى  
ده وضع مسيره مايدومشى  
ومهما يكون أملها سراب  
ولو مقفول عليه ١٠٠ باب  
ح تصحى الأرض ماتنامشي  
وترجع تاني لسه شباب  
ما أولادها ح يحموها  
ومش ممكن ح ينسوها  
لا بمنصب ولا شعارات  
ولا مرة يبيعوها  
أمل واحد ح يبقى ألوف  
ويرجع تاني صوتها يرن  
م الفرحة وتنسى الخوف  
فسيبها ع الله واعقلها  
وقول يارب عدلها  
ده بينا رؤوف  
تلقى الحاله تتعدل

ولو نبداً من الأول  
وبكره تشوف  
مادام الفكره جوانا  
مهما الوقت بـ يطوّل  
ح نوصل لـ اللي عايزينه  
والأحلام دي تتحول  
وتبقى حقيقه موجوده  
كشمس الصبح لها عوده  
وعشانها بينا مسنوده  
راح تبقى وما تغيبشي

# قلب الكون

كان كل الكون  
وكون الكون ماهوش وسعه  
فساب الكون وراح ماضى  
وقال الحب بقى ماضى  
مادام قلبي خلاص فاضى  
هاعيش عادى  
لحد اليوم ما يبجى عليه  
ويلقى الفرصه موجوده  
ساعتها ح اكون اكيد وياه  
واعيش العمر وحلاوته  
وفرحى مايساعوش الكون  
لكن برضه معاه راح اكون  
سعيد راضى

obeikandi.com

# كلام

قالوا الكلام حكايات لا بتقدم ولا تأخر  
ومرور الزمن بيضيع مع الأيام ويتبخر  
عشان كده قلبي متعود لا يشغل باله ويفكر  
ويسيب الكلام يتقال فلا بيسمع ولا يكرر  
ومش بيهمه لو عنه يحكوا في الخيال حكايات  
لا بيأثر فيه الموضوع ولا يفرق معاه حوارات  
ولا يضيّع عليه وقته وبعد شويه بيكون مات  
إيه الفايده لو يزعل ويعمل كل يوم خلافات  
يخلى ليه أهميه وكان أصله يادوب تفاهات  
ف أحسن حاجه تتجاهله وتقابله بثقه وثبات  
دي ناس فاضيه بتملا فراغها بالإشاعات  
ولو صادقين يواجهوا يقولوا إيه الإثبات  
خلى اللي يحب يقول ويتسلى ويتكلم  
واتفرج عليهم بس من أفعالهم إتعلم  
تفرّق مين معاك فعلا وعلشانك بيتألم  
ومين مستنى فرصه وبها عليك يتقدم  
باستغرب كثير ع الناس ليه بتخون وتظلم  
ومش فارقه بسببهم مين حياته تضيع وتهدّم

ده لو كان الكلام عنهم ف لحظه الوضع يتغير  
يقيموا الدنيا ويخافوا صورتهم مرة تتكسر  
وناسيين إن مهما يكونوا ف ربك أكيد أكبر  
ما الزمن دوار بطبعه ومحدث عليه يقدر  
ولا بيفضل على حاله ولا بيثبت على منظر  
وزى ما قالوا عن غيرهم عليهم الحال ح يتدور  
ف انسى أى كلمه عليك وبيها إوعى تتأثر  
كلامهم نقص ب يعيبهم ويزيدك ثقه أكثر

## ضدكة مدبوح

ب يقولوا عايشه الحب ودايه حنين  
وبخبى هوايا وبيه مش عايزه أبوح  
فاكريني ب اغنى وهو بكا وانين  
ومحدث عارف إن اللي مليوني جروح  
ومشاعر ضايعه ف رحلة عمر حزين  
والموت أسر أحلامى وخائق الروح  
والدمعه تبات محبوسه بطرف العين  
والجرح محأوط القلب منين ما يروح  
أيام ب تمر تجر شهور وسنين  
وأنا عايشه وبحلم مرة الفرح يلوح  
ول حد ما يبجى أنا وقلبي صابرين  
وبضم الدنيا بحضن كبير مفتوح  
واستنى عليها ونفضل كده ساكتين  
وأدارى آلامى بضحكه وأنا المدبوح

obeikandi.com

## شخبطه

عصفوره وهوا وسمكه  
أحلام طفوله وجنان كبار  
لو اتمنيت أحققها  
بيقى كده أنا عقلى طار  
كلام كتير والمعنى أكبر  
وقلبي معاهم بقى محتار  
أصل التلاته بحبهم  
ومش عارفه بينهم اختار  
محتاجه حد يكون معايا  
ساعتها يمكن آخذ قرار  
ولو أخذته تفتكروا ممكن  
يحصل بجد ومش هزار  
مش قلت شكله جنان خلاص  
ح اسكت وأستنى النهار  
وما تسألوش قصد الكلام  
لأنه سر م الأسرار

obeikandi.com

## ما تتحدنيش

ما تتحدنيش ..  
ما تقدرش تبعد ولا تحنليش  
تعاند ، تكابر ، ده ما يهمنيش  
في قلبي وحيبي وعندي مفيش  
فإقسي وانسي وما تحبنيش  
وإحلف لغيري كتير راح تعيش  
غيرتي مُحاله بناس ما تسأويش  
منهم أوف بس زي ما تلاقيش  
بـ تبعد وتهرب ولا تنسانيش  
وخايفه عليك الزمان ما بيدأويش  
فـ عشان خاطرِك انت ما تتحدانيش

obeikandi.com

# كدبة

افتكرت رقتك حنان وطيبه لكن طلعت كدبه  
وكلامك وحزن قلبك ودموعك كله لعبه  
صدقت إنك مجروح ومحتاج تلاقى المحبه  
دموعك جرحت عينيا وقلبك وقفت جنبه  
خفت ف حزنك تضيع وتتوه ب ليل وغربه  
حأولت اخفف عذابك واكونك دليل وصحبه  
واهزم دمعك وأملك ل يكون لفرحتك عقبه  
لكن خساره ده دور وفهمت متأخر سببه  
انه تمثيل على قلب نفسك تفوز ب حبه  
وبتحلم تكون معاه وتسكن يوم في قلبه  
لكنه كان مشغول ب قلب ثاني طلبه  
عاهده يفضل وياه ويكون رفيقه ف دربه  
وده حكم القدر والزمان علينا كاتبه  
اللعبه يوم تنتهي لو مهما بعده أو قربه  
واهي لعبتك هزمتك وقلبك نصيبه غلبه  
وإيه ح يفيد دلوقتي لو ألومه واللا اعاتبه  
عيب قلبي انه وثق فيك والطيبه هي ذنبه  
عرفت إنك غلطه والصدق عمله صعبه  
وحبك وهم وسراب وانت مجرد كدبه

obeikandi.com

## قلب حزين

في عمق عينيه الحزينة رأيت حنان الدنيا وطيبة قلوبها  
تلوح فيها دمعة وتختفي كأنها شمس بلحظات غروبها  
لتملاً القلب الرقيق هموما ويكاد ألم روحه أن يذيتها  
وترتعش نبرات صوته الصافيه فتختنق الكلمات بها  
ورجفة يديه الحنونه حائرته من غدر الأيام وظلم دروبها  
يا صاحب القلب البرئ لا تحزن وتغرق أيامك بدمعاتها  
فإن الدموع تزيد أحزانك وترهق القلوب حتى تميتها  
وأنا أخاف عليه من الدنيا وكثرة الأوجاع وآهاتها  
والحياة إن استسلمت لها تهزمك وإذا قاومت هزمتها  
كن قويا وافتح الأبواب للدنيا بأحلى ما فيها وحتى مرها  
فالمر أحيانا يزيد حلاوتها لـ نرى بعد الظلام نورها  
ودع الروح تحلم وثق انها ستحقق الأحلام بإصرارها  
وإن فقدت حلما حتما سيجئ آخر فـ هي أكثر من أن تعدها  
إبحث في العالم عمن تصون حبك وتفي لقلبك بوعودها  
تمنحك حبا صادقا وتنسيك الجروح بـ حنانها وودها  
فتعيش من جديد حياة السعادة ويكون الأمان فقط عندها  
وكأن ميلادك يوم أحببتها وبدأ عمر قلبك حين أرادها

obeikandi.com

## حلم مسجون

م الحبر طل الحلم قدامي واتجسد  
كأنه كان موجود حقيقي ويحصل  
وقلبي مايملكش بس غير يقعد  
ويشوفه بخياله يمكن ف يوم يكمل

مسجون كما قلبي ومحبوس بالضلع  
ما بين حيطان لأه وسور بعيد عالي  
مربوطة جناحاته وم الخروج ممنوع  
متكته إيدته وصار حاله من حالي

يا حلم إمتى تكون ونكسر القضبان  
أهرب معاك واملك حياتي من تاني  
تصبح ك نور الشمس لعيوني لما تبان  
واقدر أكون حره ولا حاجة منعاني

سجاني ما بيرحم قافل ببيان عمري  
وروحي مخنوقة ومفيش مكان للضي  
أيامي تتسرب والعمر أهو بييجري  
وأملي متعلق في بكره واللي جي

أحلامي يقتلها واحده ورا الثانية  
وحلم واحد بس فاضل وبيعانده  
يمكن يطول بكره وأعيشه لوثانية  
بس ابقى حقيقته إن شالله اموت بعده

فيارب أملي فيك الحلم يتحقق  
وبحسن ظني بيك اكيد اكون ملكاه  
الحلم يبقى يوم حقيقة تتصدق  
واحس مرة أني عايشة بجد حياة

## إِبعِد (مربعات)

إِبعِد كِمان قَوِي  
مابقاش يفرق بعادك  
مادام قلبك قَوِي  
كَمَل وزيد في عنادك

من عندك جبت آخري  
وتعبت من المكابره  
إنت اللي اخترت هجري  
وأنا كنت بـ حبي صابره

خليك بقى لاختيارك  
في الكبر وفي العناد  
تقيد في القلب نارك  
تعرف معنى السهاد

وبلاش من تاني ترجع  
تقولي حبييتي سامحي  
سماحي إزاي ح ينفع  
وانت بتزيد ف جرحي

جراحي تمنها غالي  
بتخلي القلب يقسى  
تعبت معاك ليالي  
مش سهل عليا انسى

انساني وروح لحالك  
أنا من جوايا شيلتك  
إياك يخطر ببالك  
تاني اني أكون حبيبتك

# مربعات

## القمر

طل القمر تاني  
عني مسح الهموم  
ده غيابه خلاني  
أسهر اعد النجوم

فرحني لما رجع  
وكإني شفت الربيع  
بلاش تسيبني لوجع  
ده من غيرك أضيع

# عائشئين

مش كل العائشئين عائشئين  
ولا كل الدمعات أحزان  
ممکن لحظه تعیش لـ سنين  
وعمر يعدي كأنه ما كان

# وتر حزين

لو كان وترك حزين  
غیر لحنك وجرب  
انسی الآه والأین  
ح تلاقي الفرح قرب

# أرفض عزاهم

أرفض عزاهم طول ما لسه في العمر باقي  
وعيش وكمل لو حتى قالوا مفيش أمل  
حلمك في قلبك لوتدور عليه تلاقي  
وابني حياتك بالإرادته وبالعمل

## عادي

كله عادي ومش جديد  
مش هتفرق مش مهم  
إن قلبي يعيش وحيد  
وحُزْنُهُ حُضْنُهُ ليه يضم

## بحبك

بحبك بكل ما فيك  
بحبك زي ما تكون  
قلبي اللي دايب فيك  
عنده انت كل الكون

## بعيد عنك

بعيد عنك بـ أكون جنبك  
ماهوف الحب يا حبيبي مفيش مسافات  
وقلبي يعيش على حبك  
ويبدأ يومه على صورتك وبيها ييات

## يفيد بآيه

يفيد بآيه الكلام  
لو البعاد مكتوب  
غير الوجع والآلام  
وعذاب يملا القلوب

## قصيده فاضيه

قصيدة فاضية بدون حروف  
مفيهاش مشاعر ولا أحلام  
قتلت حروفي سنين الخوف  
ف خنق القصيدة ومات الكلام

## رباعیات

# حيرة الحب

ياريت الحب كان بالإيد لكن قدر وعلى الجبين مكتوب  
ولا نقدر ع الهروب منه وفين ح نلاقي منه هروب  
سكوته أحلى كلام واحترنا من زمان ويّاه  
فرحه ودموع ، والقلب بينهم يا عيني عليه مغلوب

## قلبي

عيني عليك يا قلبي بهدلتك معايا كتير  
ليالي حيرتك طوّلت وتعبت م المشاوير  
الدمع غالبك والألم مكتوب عليك  
أول ما تبدأ تبتسم تلاقى الحزن بالقناطير

## غربة

طالت يا دنيا غربتي ول إمتى هاعيش سواح  
أجلت ياما فرحتي وعمري فيها راح  
قالت لي ما انت اللي بعدت وهربت مني زمان  
وب إيدك انت قفلت الباب بالضبه والمفتاح

## العشرة والمصلحة

صاحبي وحببي وعشري في رحله العمر الجَميل  
طلعت ليه ندل وجبان وناكر للجَميل  
تبيعني حتى من غير تمن وتقولي دي المصلحة  
ما هي في زمانا خلاص هي الصحاب والدليل

## الشمس

الشمس تطلع كل يوم ومعها ألف حياة  
اسألها إيه جبتي معاكي وليّا أنا شايله  
تقولي إيه يفرق معاك لو كان ألم أوفرح  
ما انت اللي تختار سكتك واللي بتتمناه

## بعدهالك يا دنيا

وبعدهالك يا دنيا إمتى ح ترضى عني وتضحكي  
لحد إمتى تبقي قاسية وجارحة واصرخ ما تسمعي  
ولو قابلت في مرة فرحه بـ الحزن تاني بترجعي  
وكإن ممنوع عنى أفرح أو حتى ممكن يوم تسمحي

## أغلى حبيب

لو قلت يوم انساك قلبي مايرضاشي  
مكتوب عليّا هواك وغيره ما أهواشي  
ويكون هوايا ملين غيرك يا أغلى حبيب  
ده لو طلبت العمر عليك ما يغلاشي

## فرحة رجوع

الشمس رجعت نورت الدنيا من تاني  
والورد فتّح والطيور بتغني ألحاني  
سألوني عن فرحتي وليه حالي متغير  
قلت ب رجوع الغالي تنساني أحزاني

## مابقاش مهم

مابقاش مهم تعمل إيه تروح أو تيجي مش فارقة  
أخذت قراري إنساني ومهما يكون أنا مفارقة  
ومش معنى إني ساكنه عليك ف أنا مسامحاك  
لكن أخلاقي تمنعني ولو بيئا وجع البعد والفرقه

## عايشه ليك

مابقتش ب اكتب أي حاجة غير عليك  
مابقاش كلامي غير بحبك ، دايبه فيك  
مابقاش في كل الدنيا حاه تهمني  
غير اني احبك وإني أعيش العمر ليك

## شتا

من صغري بحب ليالي الشتاء وأمطارها وبردها  
وعمر غيوم الدنيا ما قدرت على قلبي بـ حزنها  
طب ليه دلوقتي البرد قاتلني ومالي القلب غيوم  
يمكن علشان الروح مش لاقية الحزن اللي يضمها

## كفايه

كفاياك يا قلبي تروح لناس ما بتحبنيش  
كفايه تعيش بـ أمل مفيش فيه أمل يعيش  
مش كل مين يوم قال بحبك تسمعه  
ده كثير كلام يتقال ويطلع في النهايه مفيش

## انسى

كل الجراح بـ تروح وأثرها مايبقاش  
ف لو بقيت مجروح ماتقولش مابتنشاش  
يفيد بـ إيه النوح ودمع الندم والآه  
انسى وصفى الروح لـ عمرك يضيع بـ بلاش

## ما تخافيش

ما تخافيش يا حبيبي مني ، كلمه قالها وعادها ليًا  
ح آجي واطلب يوم إيديكي صدقيني أنا عندي نيّه  
لكن أعمل إيه في قلبي اللي خايف م اللي جاي  
نفسى تقدر تحتويه وتطمئه وتحس بيًا

## بيقولي

قال إيه بيقولي بحبك أتاريه كان كله كلام  
قربت اتهنى بـ حبه وسمعت عتاب وملام  
ف صبرت وقلت اتحمل يمكن يقدر يتغير  
لا اتغير ولا صان حبي وطلع كذب وأوهام

## دور البرئ

مبروك عليك دور البرئ والكام قصيدة الذكريات  
بـ الدمعتين الكدابين نازلين دليل حزن وآهات  
وانت كده الكسبان أكيد فـ مش خسارة الدمعتين  
ماهو كان تمنهم مش كثير يادوب كفن قلبي اللي مات

## إختار صح

كفايه يا قلبي واختر صح ولو مرة  
ليه كل حكاية تبدأ نهايتها تكون مرة  
يا إما تفوق وتختار اللي يستاهلك  
يا تبعد عن طريق الحب وتسييني أعيش حرة

## توب دموع

ليه كل ما اقول خلاص ح افرح ألقى الحزن يحأوطني  
ليه كل ما اشوف أمل بكره يطل اليأس يحبطني  
وليه الأيام تزيد جرحي وتغزل م الدموع توي  
ده حلمي بسيط يادوب ضحكة ب خيط الفرحة تربطني

# مابقتش فارقه

مابقتش فارقه خلاص ولا حد حاسس بيك  
اسكت بقى وروح بعيد وداري دمع عينيك  
لا قريب يفهم ويعذر ولا حب يشفعلك  
ولا حد يضم جرحك غير بس كفوف إيديك

## مكتوب

أرواح بـ تتلاقى وكل شئ بأوان  
وقلوب تحن لبعض مهما بعد المكان  
ما القرب مكتوبهم لوحتى كان صدفة  
أصل الوفاق إحساس مش بمسافه وزمان

## ندم

حلمت بيبك ما أعرفش ليه مع إني عمري ما كنت بد احلم  
كان عقلي دايمًا يقول لـ قلبي إبعد عن الحب وكده اسلم  
ولما جيت ووعدتني تحافظ عليا آمنالك ومشيت معاك  
رجعتني بجرح ودموع وكسرت قلبي بفسوتك خليتني اندم

## رعشة موت

قلبي بيرتعش م البرد وحسّاه خلاص بيموت  
نفسه في لمسة دفا قبل الأوان ما يفوت  
دور كثير ع الوفا كان حلمه يوم يلاقيه  
م الغدر داب وانكسر وغرق في بحر سكوت

## يارب

غمض عينيك وقول يارب من قلبك  
هيسمعك من غير كلام ده بيحبك  
ولو في يوم ضاقت عليك دنيتك  
فضفض بدمعه ودعوه هتلاقيه جنبك

## بكا قاتل

بتبكي على اللي مات عايز تاخد ب تاره  
وانت بإيدك قتلته وسييت ف قلبه نار ه  
مفيش قاتل بيبيكي ويحزن ع اللي قتله  
من بعد ما كان مآمنه فاكراه وطنه وداره

## حلم الصبايا

وحلمت ببيك حلم الصبايا المغرمين  
إنك بـ تقرا فتحتي وتقول آمين  
ونسيت في قربك كل لحظات البعاد  
وبعيش معاك يا دنيتي أجمل سنين

## مكسور

مكسور يا قلبي والي وجعك ساكنيك  
مظلوم في حبك ياما باعوا وغدروا ببيك  
لا في يوم لقيت اللي يدأوي دمعتك  
ولا حد مرة حس بالألم اللي فيك

## مصر

بحبك يا مصر يا أم ووطن  
يا راضيه قلوبنا عشانك تئن  
ولا يوم عليكي بيصعب عذابنا  
ولا ف مرة قلبك علينا يحن

## بلاش ترجع

بلاش ترجع تصحي الماضي وتعيد اللي فات  
وتاني تحكي في ظروفك وتسرح بحكايات  
خلاص حبك نسيته زي ما نسيته أكيد  
ومش ح يفيد كلامك على الحب اللي مات

## عصيان

دايما مخنوق تعبان حاسس باموت يقرب  
مش عارف إيه اللي جراك وليه لحالك مستغرب  
تعصى الخالق وناسيه وبتسأل نفسك مالك  
لو تبعد عنه تتوه وتضيع في حياتك تتعب

## عايشين ع البر

بنسكت ليه ومش عايزين نبوح بالسر  
ونخفق فينا إحساسنا ويزيد المر  
ونفضل نستخبي من الحياة والناس  
نراقب بحر أيامنا وعايشين ع البر

## قلب مجروح

حد عايز قلب مجروح م الحياة  
نفسه يمحي من حياته أي آه  
لويقابل قلب يدأويه ويحتويه  
يبقى ملكه والعمر يعيش فداه

## قد سنين العمر

ولإني بحبك قد سنين العمر ده واكثر  
ح افضل مع قلبك لحظه بلحظه لحد ما تكبر  
وتكون أيامي معاك حب وأحلام  
واهديلك روعي وقلبي لو كنت أقدر

## سر

سيظل حبك سري وبداخلي يسكن  
أخفيه حتى عن نفسي وبالروح يكمن  
وإن استحال اليوم لقاءنا لن أبالي  
فما غير عشقك انت يا دنياي ممكن

## قلب الدنيا

قلب الدنيا حجر بيدوس على العاشقين  
ودموعنا في قلوبنا على حبنا مخنوقين  
كان نفسى جوه قلبك ابدأ مشوار حياة  
لكن حكم القدر تكون السكك متفرقين

## عربي

بحلم نعيش أحرار في وطن ماله النور  
واقفين فوش الكون بروح وقلب جسور  
نهزم سنين الجهل ونقول بعلو الصوت  
أنا عربي عالي الجبين ومش ح أكون مكسور

## أمي

أمي يا أغلى ضحكة بتملى الدنيا نور  
قلبك وردة ربيع ، ملكة بين الزهور  
يارب خليها لي وحياتها بارك فيها  
زي ما خلت حياتي فرح وهنا وسرور

# خذلان

اتمنت رد قلبه يكون بـ احبها  
واستغنى بيها هي عن الدنيا كلها  
لكن ضعفه خذلها وكانت في الحقيقة  
مش فارقه عنه تبعد أو يجرح قلبها

## خلص الكلام

وصلنا لـ النهاية خلاص خالص الكلام  
مفيش جوايا حتى عتاب ولا ملام  
ولا عندي سبب محدد لغياي بيرره  
ده آخر الحكاية ح امشي وأقول سلام

## المحتويات

٥	عركة أحاسيس
٧	صغيرين
٩	قصى وياك
١٣	رحيل
١٥	الحلم القديم
١٧	لعبت بيا
١٩	مغنواقي
٢١	لقاء
٢٣	كم أحبك
٢٥	صدفه
٢٧	وعود
٢٩	لتحمل جدولك وترحل
٣١	مش بحبك
٣٣	حضنك
٣٥	سيبوني أرتاح
٣٧	أهون عليك
٣٩	خيانة الصديق
٤١	أسفه حبيتك

٤٥	إبن قلبى
٤٧	هديه
٤٩	قصة المظلوم
٥١	عيش فى الدور
٥٣	عشان خاطرک
٥٥	مهما زعلت منك
٥٧	عارف
٥٩	تيجوا نحب
٦١	ستر ( سباعيه )
٦٣	مش جديد
٦٥	سلامتك
٦٧	إحلمى
٦٩	ح ييجى اليوم .
٧١	قلب الكون ...
٧٣	كلام
٧٥	ضحكة مدبوح .
٧٧	شخبطه
٧٩	ماتتحدثيش ..
٨١	كديه .
٨٣	قلب حزين ...
٨٥	حلم مسجون .
٨٧	إبعد ( مربعات )

..... مربعات .....

٩٠	القمر ( مربعات )
٩١	عايشين ( مربع )

- ٩١ وتر حزين ( مربع )  
 ٩٢ ارفض عزاهم ( مربع )  
 ٩٢ عادى ( مربع ) .  
 ٩٣ بحبك ( مربع )  
 ٩٣ بعيد عنك ( مربع )  
 ٩٤ يفيد بياه ( مربع )  
 ٩٤ قصيده فاضيه ( مربع )

..... رباعيات .....

- ٩٦ حيرة الحب ( رباعيه ) .  
 ٩٦ قلبى ( رباعيه )  
 ٩٧ غربه ( رباعيه ) .  
 ٩٧ العشره والمصلحه ( رباعيه )  
 ٩٨ الشمس ( رباعيه )  
 ٩٨ بعدهاك يا دنيا ( رباعيه ) .  
 ٩٩ أغلى حبيب ( رباعيه )  
 ٩٩ فرحة رجوع ( رباعيه ) .  
 ١٠٠ مابقاش مهم ( رباعيه ) ....  
 ١٠٠ عايشه لىك ( رباعيه )  
 ١٠١ شتا ( رباعيه ) .  
 ١٠١ كفايه ( رباعيه ) .  
 ١٠٢ إنسى ( رباعيه ) .  
 ١٠٢ ماتخافيش ( رباعيه ) .....  
 ١٠٣ بيقولى ( رباعيه ) ..  
 ١٠٣ دور البرئ ( رباعيه ) .  
 ١٠٤ إختار صح ( رباعيه )

- ١٠٤                      توب دموع ( رباعيه )
- ١٠٥                      مابقتش فارقه ( رباعيه ) ...
- ١٠٥                      مكتوب ( رباعيه ) ...
- ١٠٦                      ندم ( رباعيه )
- ١٠٦                      رعشة موت ( رباعيه )
- ١٠٧                      يارب ( رباعيه )
- ١٠٧                      بكا قاتل ( رباعيه ) ...
- ١٠٨                      حلم الصبايا ( رباعيه ) .....
- ١٠٨                      مكسور ( رباعيه )
- ١٠٩                      مصر ( رباعيه ) .
- ١٠٩                      بلاش ترجع ( رباعيه )
- ١١٠                      عصيان ( رباعيه )
- ١١٠                      عايشين ع البر ( رباعيه ) ... .
- ١١١                      قلب مجروح ( رباعيه ) .....
- ١١١                      قد سنين العمر ( رباعيه ) ..
- ١١٢                      سر ( رباعيه )
- ١١٢                      قلب الدنيا ( رباعيه ) .
- ١١٣                      عربي ( رباعيه ) .
- ١١٣                      أمی ( رباعيه )
- ١١٤                      خذلان ( رباعيه )
- ١١٤                      خلص الكلام ( رباعيه ) .....

تم

obeikandi.com

obeikandi.com